

Atham woPelemun Atham ammakka oPoluc pokurrinet oPelemun

Pul pothothilettat poIeccuo oPoluc pokat ikorrkkor noca'ri ica kwokurrinet opuruko oPelemun lon elli. OPelemun pokat papa'rthan. Ana man mung mokat ka'ran na ul ioccokothe lon loKapik ocurttarot tothun. Pul iparekine oPelemun ipoccot k'ran itti Oneccimoc pokat pollothe opit oPelemun. Anakka oPoluc pokat cik ikorrkkor, kwiathe Oneccimoc ipothakkakathe pul ipammakot oIeccuo.

OPoluc pothiathe Oneccimoc llon elli akwopakkinthet opit oPelemun akwi'rekat oPelemun itti akwocikot opit Oneccimoc akwipit-tothok akin opakot iku'ri akin Oneccimoc akwokathakathok ammakka opang ilon loMiccie.

Lon ilaik iatham

1. Thomicco thaine oPelemun (1.1-3)
2. OPoluc papirane Kapik noka naPelemun (1.4-7)
3. OPoluc pipittot oPelemun akwopakket Oneccimoc tuan (1.8-22)
4. Tha'ra nga'rama ana thomicco ithacothot (1.23-25)

¹ Oun oPoluc ipaik ikorrkkor nti ilon loIeccuo oMiccie ana oThimiththaoc opang ponnon, onin thaik thakurrinung, Pelemun opuruko pin iire,
² ana ul ioccokothe lon loIeccuo iaik wa'ra'ra nga'rama tuan thanang ana Appia opang ponnon

ipopari ana Arkkipic okkwi ipapuruku pin ilon loJeccuo.

³ Athoporot ana thomicco thoKapik oNgappa ponnon ana thoIli oJeccuo oMiccie oka nanon.

Thopirane Kapik noka ana nga'rama

⁴ Mpapirane Kapik kin noka amma anokwart-tikothung ia'rama ngin appinappin, ⁵ akka mpaik paccicikot lon lothocokot lon nocikit loIli oJeccuo thang ana thongat ul appik iupupure woKapik. ⁶ Mpa'ranung nga'rama itti aka popo'rat than ntherene ul lon lothocokot lon loKapik nomikit then, othakka itti aul ina kicce lon iloporot ilaron thonu iaMiccie.

⁷ Thongarot thang thopirierin noka kannan ana thopo'rierin than akka onon thopiriet mikit moul iupupure woKapik noka.

OPoluc perene oPelemun lon loNeccimoc

⁸ Antoka manna itti mponu ngili ikkun naMiccie itti mpi'rethung ila ngkwonu itti ngkwakkot ⁹ anaruk nti ilon lothongarot, mpipittohung, oun oPoluc ipukkwat ana cakuruk ipaik ikorrkkor nti ilon loMiccie oJeccuo ¹⁰ mpaik mpipittohung itti aittarot ukul win Oneccimoc* ipothakkat ukul win ilon loKapik, ampaik ikorrkkor. ¹¹ Cittokit kwokat pellat lon cik naung anaruk inenni kwothakkat poporot naung ana naun.

¹² Mpaik pathinthe non ngok, ook ipa cikit cin caik nan itti kwainung. ¹³ Mpongothe itti kwikkoik cene inaththe'ra, othakka itti akwittarothin ikorrkkor ika mpaik tit nti ilon

* **1:10** 1.10 Lon itti Oneccimoc lonu itti loporot.

iloporot loIeccuo akka ngkwella iccik kin.
¹⁴ Anaruk mpakannangkot itti mpakkot lon l'rek angkwakannohtiot tit, mpongothe itti lon lung iloporot lanthan nocikit cang ana okonnoka itti ngkwakkot mpu'ran. ¹⁵ Lon ila kwappopettakinēt nti iaung papotteik, othakka itti akwathokkaprttakinung ntan p'rinp'rīn. ¹⁶ Okorronno oka itti kwaka piak puccuk anaruk kwaka opangkang. Ook opangkin anaruk ook opangkang kannan ammakka pul iponyi opang ponnon ilon lolli oIeccuo.

¹⁷ Amma onon thakathan itti oron thulukku, nikkiek cik ammakka onon thaikkierin cik.

¹⁸ Ana amma kwappokkinthung lon l'rek moloko ana manna onekothung a'rupu w'rek, ipittothin ana mpekkenung. ¹⁹ Oun oPoluc akkaik pakurrinung elli nnukun win, "Mpakkekung." Anaruk kirrinni urenan itti mpokorronnorung accokot lon loIeccuo. ²⁰ Pangkin, mpongothe itti mpiot lon iloporot naung ilon lolli ilapo'rie cikit cin than ilon lolli oIeccuo oMiccie.

²¹ Mpaik pakurrinung ana mponu cikit naung itti ngkwakkot loppot na ila mpipittothung itti ngkwakkot. ²² Mponu al'rek anappi'rethung, okkinthin ka'ran papenang na nathikkoik, akka mpongothe itti nga'rama ngon ngaccikakot anokkaprttakinēnon.

Lon ilacothot

²³ Apapprac ipanin thaik cene inaththe'ra ikorrkor nti ilon loMiccie oIeccuo paik pamiccong.

²⁴ Ana cakuruk oMarkkoc ana Arcciththrikkoc ana oThimac ana oLukka, opuruko pingon ire ngoKapik thaik thamiccong.

²⁵ Athoporot thoIli oIeccuo oMiccie oka nanon appik.

Lumun
Lumun: Lumun (Bible)

copyright © 2020 Wycliffe Bible Translators, Inc.

Language: Lumun

Contributor: ECS Diocese of Khartoum Translation Department

This text box needs to have content for PT9 to upload is to the DBL.
All rights reserved.

2020-11-18

PDF generated using Haiola and XeLaTeX on 23 Aug 2023 from source
files dated 29 Jan 2022

b9cb69ce-3694-5d9f-bda5-4a2243faae